



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

72. Ut chrisma semper sub sera sit.

urn:nbn:de:hbz:466:1-14622

Burchard. lib. 5. c. 10. eum communicet, ne sine communione moriatur.

De eadem re. *Ex Concilio Turonensi.*

Burchard. lib. 5. c. 9.

Vide Hug. Menard. in Noris ad lib. Sacramentot. pag. 378.

LXX. Ut omnis Presbyter habeat pyxidem, aut vas tanto sacramento dignum, ubi corpus dominicum diligenter recondatur ad viaticum recedentibus à seculo. quæ sacra oblatio intincta debet esse in sanguine Christi, ut veraciter Presbyter possit dicere infirmo: *Corpus & sanguis Domini proficiat tibi &c.* Semperque sit super altare observatum propter mures & nefarios homines; & de tertio in tertium diem semper mutetur, id est, illa à Presbytero sumatur, & alia quæ eodem die consecrata est in locum subrogetur, ne fortè diutius reservata mucida, quod absit, fiat.

De oblatibus, ut de sabbato in sabbatum innoventur. *Ex eodem.*

Burchard. lib. 5. c. 12.

LXXI. Illud etiam adnectendum videtur, ut oblationes quæ in altari offeruntur, de sabbato in sabbatum semper innoventur: quia panes propositionis, qui super mensam Domini ponebantur, à sabbato in sabbatum semper mutabantur.

Ut chrisma semper sub sera fit. *Ibidem.*

Burchard. lib. 4. c. 80.

LXXII. Præterea & illud omnimodis observandum est, ut sacrum chrisma & oleum consecratum semper sub sera fit; ne illud unde Christo incorporamur, & unde omnes fideles sanctificantur, unde Reges & Sacerdotes inunguntur, aliquis infidelis aut immundus

tangat, aut aliquis perfidus ad Dei iudicium subvertendum subripiat, quod experimento didicimus. [*Vide Concilium Metense anni 888. cap. VI.*]

Si Presbyter chrisma dederit ad iudicium subvertendum. *Ex Capitularibus, tit. LV.*

LXXIII. Ut Presbyter qui chrisma donaverit ad iudicium subvertendum, postquam de gradu suo depositus fuerit, manum amittat. Lib. 5. Capitular. c. 55. Lex Longobardor. lib. 3. tit. 27. c. 4.

Ut nullus Presbyter pro chrisma aliquod munus det. *Ex Concilio Meldensi cap. XLV.*

LXXIV. Ut nemo Episcoporum vel quilibet minister ecclesiasticus propter sacrum chrisma aliquid muneris accipiat, neque denarios, vel quælibet munuscula, quæ per ministros Episcoporum à Presbyteris inordinabiliter exiguntur. Decet tamen Presbyteros cum voluntariis eulogiis tempore congruo visitare & venerari suos Episcopos. Burchard. lib. 5. c. 77.

Ut omnis Presbyter duas ampullas in cœna Domini ad civitatem deferat. *Ex Capitulis, tit. CLVI.*

LXXV. Ut Presbyter in cœna Domini ampullas duas secum deferat, unam ad chrisma, alteram ad oleum ad catechumenos inungendum vel infirmos juxta sententiam apostolicam, ut quando quis infirmatur, inducat Presbyteros Ecclesiæ, qui pro ipso orent, Lib. 1. Capitular. c. 162. Burchard. lib. 4. c. 75. Fac. 5.